



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

I. Arelatensis Episcopi vicariatus in Galliis easdem initia habuit quæ Thessalonicensis in Illyrico, ut ostenditur ex utriusque comparatione.

**urn:nbn:de:hbz:466:1-15617**

rum exempla sequendo, ad illum mittere Pallium, quod erat insigne Vicariatus. **Pallium** vero, inquit, sicut per epistolam vestram, quam per Andream fratrem & coepiscopum nostrum suscepimus, postulatis, direximus; quo ita vos uti necesse est sic ut predecessores vestri usi concedentibus nostris predecessoribus approbantur. Subjectos porrò illi fuisse Episcopos Hellados, tametsi alienæ provinciæ, rectè ex sequenti epistola collegit vir clarissimus Ioannes Morinus. Nam ad Episcopos illos de ea re scribens Gregorius, ita loquitur: **Pallium Ioanni fratri nostro Corinthiorum Episcopo nos transmisso cognoscite, cui vos magnopere convenit obediens; preferunt dum hoc sibi & antiquæ consuetudinis ordo defendat, & bona ejus, quibus ipse testimonium perhibet, invitent.** Itaque Balsamo recensens Episcopos qui olim in partibus illis gerebant vices apostolicæ sedis, inter illos numerat Corinthiensem in scholio ad præfationem Concilij Trullani. Intervim heic adnotandum est Gregorium non antè Pallium misisse ad Ioannem quam ab ipso postulatum fuisset per literas.

**XII.** Abolita deinde prorsus est Episcopi Thessalonicensis auctoritas in provinciis Illyricanae postquam ex Leonis Isauri Decreto, in odium fidei vindicata, à Gregoriis II. & III. Summis Pontificibus, provinciæ Illyrici, Siciliae, & Calabriae avulsa sunt à patriarchatu Romano, & tributæ Constantiopolitano. Tunc enim intra fines solius Macedoniae primæ restricta est Metropolitanæ Thessalonicensis potestas; ut docent Diatyposis Leonis Philosophi & antiqua episcopatum orientalium Notitia in codice Iuris Graeco-Romani. Non immorabor diutius in explicanda hac causa, quam doctissime suo more tractavit illustrissimus Archiepiscopus in libro primo istius operis. Illud tantum dicam, observationes ejus de origine schismatis Græcorum, quod fluxisse docuit ex provinciarum illarum ammissione, de qua justè conquerebantur Romani Pontifices, dispu-  
cuisse Lucæ Holstenio, Marcum vero ad ejus objecta respondisse in Responione qua edita est inter Prolegomena.

## CAPVT XXX.

## Synopsis.

**I.** Arelatensis Episcopi vicarius in Gallis eadem initia habuit qua Thessalonicensis in Illyrico, ut ostenditur ex utriusque comparatione.

**II.** Omissa disputatione de antiquitate urbis & Ecclesie Arelatensis, omissa quoque contentione que inter Arelatensem Viennensemque Ecclesias fuit proper ordinationes Episcoporum provinciæ Viennensis, de solo vicariatu heic agetur.

**III.** Initia dignitatis istius debentur studiis Patrocli Episcopi Arelatensis & beneficio Pape Zozimi. Statuit iste uti nemini intra Gallias ex clero licet Romanum aliovis proficiendi absque literis formatis Episcopi Arelatensis. Tum ei commisit iudicia causarum quæ in provincia Gallicanis emergenter, ita tamen ut de majoribus causis referret ad sedem apostolicam.

**V.** Huic Zozimi decreto debentur initia vicaria dignitatis Episcoporum Arelatensium. Explicatur illius locu[m] locu[m] de formatis, qui nunc editur emendatio.

**V.** Tribuit deinde Patroclu Zozimus ordinaciones Episcoporum provinciæ Viennensis & duarum Narbonensium, secundum morem antiquum. Inquiritur in antiquitatem istius consuetudinis, & ostenditur quam non fuisse. Fefellit itaque Zozimum Patroclu.

**VI.** Queritur qua ratione factum sit ut Episcopus Arelatensis factus sit Metropolitanus adversus cœlum Imperij dispositionem & canones Nicenæ. In Africa is Primas erat inter Episcopos qui ordinatione antiquior erat, nulla habita ratione civilium metropoliton. Excepto tamen Carthaginensi, qui primum ubique locum obirebat. Immo & Primates Mauritanie & Numidie aliquam prærogativam habebant.

**VII.** Cum amplificata esset urbis Arelatensis dignitas, constituta illuc esset sedes. Prefecti pratorum Galliarum, cumulata sum in eam omnia civilis administrationis decora, scilicetque est metropolis Galliarum. Ex honore civili urbis Arelatensis descendit honor ecclesiasticus. Probatur ex rescripto Honorij ad Agricolam, & ex canone secundo Concilij Taurinensis.

**VIII.** Explicatur canon ille, ut ostendatur Episcopum Arelatensem fuisse tum Metropolitanum in provincia Viennensi. Pares Concilij Taurinensis provinciam diviserunt, ut concordiam retinerent.

**X.** Sed pars provincie contentus non fuit Episcopus Arelatensis; totam sibi subjecere meditatus est, tum etiam duas Narbonenses. Faciendum id sibi patavit auctoritate Zozimi, qui ordinationes Episcoporum illarum provinciarum tribuere se ait Patroclu juxta majorum canones & statuta & secundum amissum consuetudinem. Magnum quid Patroclu tribuit Imp. Valentianus.

**I.** **R**OMANI Pontifices usu ipso edocili quantum conferre ad auctoritatem suam firmandam & disciplinam conservandam in dissitis longè provinciis vicis apostolicæ delegatio, in Gallicana Dicecei Episcopis Arelatensis quædam mandata dederunt. Itaque ex Zozimi primum beneficio anno CDXVII. vicariam potestatem in quibusdam capitibus acceperunt, qua deinde a sequentibus Pontificibus usque ad Gregorium primum amplificata sunt ducentorum annorum intervallo, quibus elapsis, extincta est illa potestas. De his acturi pro ratione instituti nostri memoriam rerum antè dictarum repetendam esse censuimus, quod videamus Arelatensem antistitem sedis apostolicæ per Gallias Vicarium factum esse ad exemplum protestatis que Thessalonicensi Episcopo tributa erat per Illyricum. Nam & ei tribuitur ordinatio Metropolitanorum quarundam provinciarum, arbitrium præterea judicandorum causarum quæ definiri possent in Conciliis.

ciliis earundem provinciarum, quorum congregandorum potestas ei committitur, injungitur vero cura mitrendi relationem de majoribus causis ad sedem apostolicam. Scribitur Episcopis per eas provincias constitutis ut Arelatenfi obedient tanquam Romani Pontificis Vicario, ne quis ignorantiae praetextu se tueri possit. Hæc autem omnia suprà vidimus actita esse circa Episcopum Thessalonensem. Nunc itaque ad rem ipsam agrediamur.

I I. De antiquitate & claritudine urbis Arelatenensis cum multi multa dixerint, & ex professo eam Spartam ornaverit Petrus Savius Canonicus Arelatenfis Ecclesie, non est quod me torqueam in congerendis hoc loco monumentis veteribus ad asserendam dignitatem ejus. Nihil etiam dicam de antiquitate Ecclesie, quæ se institutam ac fundatam contendit à Trophimo Pauli Apolto discipulo; quod ea pars historiæ ecclesiasticae, si quis eam curiosius scire desiderat, à viris doctissimis tractata sit copiosè & abundanter, novissime verò etiam ab illustrissimo Archiepiscopo diligenter examinata in epistola scripta ad clarissimum virum Henricum Valesium. Omittam quoque contentionem quæ vetustis temporibus fuit inter Arelatensem Viennensemque Ecclesiæ propter ordinationes Episcoporum provinciæ Viennensis, nisi quatenus ea conjuncta erit cum causa vicariatus Romani; de quo unico, relatis ceteris quæstionibus, tractare convenit in hoc libro.

III. Patroclus Arelatenfis urbis, in quantum constituta erat sedes Præfecturæ Galliarum, antistes sub umbra istius dignitatis civilis, ac si Præfecturam sacerdotalis honor sequi deberet, aliquam prærogativam sibi Ecclesiæque suæ conciliare conatus est, quod non solum primum ubique locum obtineret inter Episcopos Gallicanos, sed etiam super eos efficeretur. Ea de causa Zozimi Romani Pontificis auctoritatem imploravit, eo colore quæsito, quod Trophimus Arelatenfis Episcopus in Galliis primus annuntiasset Christi fidem, ex cuius fonte tote Gallia fidei rivulos accepérunt, adeoque æquum esse ut illius in ea cathedra successor præcipuum aliquid honoris auctoritatisque privilegium haberet in Ecclesia Gallicana. Prætendebat antiquitatem, qua etiam ritus quoquo modo induci defenduntur, ut ait Tacitus; eamque confirmari postulans, sedi sue vindicare studuit ordinationes Episcoporum provinciæ Viennensis & duarum Narbonensium. Zozimus, habita ratione temporum, annendum censuit postulatis; dataque anno C D X V I I epistola ad universos Episcopos per Gallias

Tom. I I.

& Septem provincias constitutos, non solum ordinaciones Episcoporum earum provinciarum concessit Patroclo, sed etiam statuit quicunque ex clero ad Romanam Ecclesiam aliòve accedere cogaret, non aliter id faceret quam cum epistola formata Episcopi Arelatenfis, cui etiam commisit judicia causarum quæ in provinciis illis emergerent, hoc tamen addito, ut de majoribus causis referret ad sedem apostolicam. Quod imitatum est ex mandatis quæ data fuerant Episcopo Thessalonicensi.

I V. Cum huic Zozimi epistole debeantur initia vicariae dignitatis Episcoporum Arelatenfum, opere pretium est eam diligenter & accuratè expendere. Incipiamus igitur ab epistolis formati. Fortè acciderat per eas tempestates ut impostores quidam, qui se asserebant Episcopos sive Presbyteros esse aut omnino in ordine ecclesiastico constitutos, Romanum profecti ex Galliis, titulo sibimet sanctitatis inscripto, in nomen venerationis irreperirent, & indebitam reverentiam promeriti fuerint, eo nimirum honore excepti ab Ecclesia Romana qui sanctissimi ordinis viris per ea tempora tribueratur. Zozimus in posterum esse providendum ratus, ne deinceps istiusmodi homines ausu sacrilegio in nomen venerationis irreperirent, manuera in ævum constitutione fancivit ne quis sub quolibet ecclesiastico gradu constitutus exiret è regionibus Gallicanis absque literis formatis Episcopi Arelatenfis, quibus iste significaret eum qui peregrinaret, in clero constitutum esse, tum etiam de sacerdotio ejus, si Episcopus esset, aliqui de loco ecclesiastico certiores faceret Episcopos earum partium ad quas ille profici ci cogaret, ut condigna ei reverentia tribui ab illis posset, fuscipendum enim non esse si veniret absque formata Metropolitani Arelatenfis. Hæc sunt verba Zozimi, emendata ex fidei vetustissimi codicis M S. Bibliothecæ Regiæ. Nam editiones in hoc loco sanæ non sunt, tametsi eundem sensum referant. Placuit apostolice sedi, inquit Zozimus, ut si quis ex qualibet Galliarum parte sub qualibet ecclesiastico gradu ad nos Romanam venire contendit, vel alio terrarum ire disponit, non aliter proficiatur nisi Metropolitani Arelatenfis Episcopi formatas acceperit, quibus sacerdotium suum vel locum ecclesiasticum, quem habet, scriptorum ejus ad stipulatione perdoceat. Quod ea gratia statuimus, quia plurimi Episcopos, Presbyteros, sive Ecclesiasticos simulantes, quia nullum documentum extat per quod valeant confutari, in nomen venerationis inrepunt, & indebitam reverentiam promerentur. Qui quis igitur, fratres carissimi, pretermissa predicti formatas, sive Episcopus, sive

De epistolis formatis  
sic vide Bernardi  
Ferrarii in  
15. i. de antiquitate  
ecclesiast. epist. gene  
te cap. 5.

M